

पतरस की दूसरी पत्री पतरस उन दुसरा चटिठी परचिय

२ पतरस उन चटिठी दा अंदकु आग्याद कि ईद प्रेरति पतरस उन द्वारा लखिसकु आगीत, लेकीन ईदीनोर हापाळ वधिवानगोळी हताल कि ईद सही आद. ईद संभव आद कि यावारा दुसरा ई चटिठी इक पतरस उन दी टु लखिसीदान. लेखक अनतान कि आव यीशु उन जीवन अदकि वशिष रूप दा रूपान्तरण १:१७-१८ इन साटी ऊंद प्रत्यक्षदर्शी ईरोन, अगर पतरस चटिठी लखिसीदुन रा संभव आद कि आव रोम नगर दा ६५ टु ६९ साल इन बाददा अदकि मसीह अन्द जनम इन बाददा लखिसीदान. पतरस १ पतरस इन चटिठी इन बाददा लेखन इन तारीख ईटकु तान दुसरा चटिठी ३:१ भी लखिसदुन. आव सप्पा इसाईगोळी चटिठी संबोधति माळदुन.

पतरस ई चटिठी इक वळलीद जीवन जीऊसोर साटी प्रोत्साहति माळली अदकि ख्वाटा गुरुगोळद २ पालन ईला माळोर साटी चेतावनी कोळोर साटी लखिसीदुन. आव आंदरी आ लॉकुरी अनदेखा माळोर साटी प्रोत्साहति माळदुन जो अनेत्यार कियीशु वापस बरली हापाळ लंबा समय ताकोमेत्यान. ईदुर उलटा आव आंदरी इंगति माळदुन कि परमेश्वर धीरा हैलेच बल्की सप्पा मुंदुरी ऊळसोद चाहासतान २ पतरस ३:८-९ ईद वळलीद जीवन जीऊसोद ऊंद कारण आद ३:१४.

रूप-रेखा

१. पतरस खुद इक पेश माळतान अदकि तान पाठकगोळी संबोधति माळतान. १:१-२

२. आव आंदरी वळ्लीद जीवन जीऊसोद याद तोरसतान यतकी परमेश्वर नामी सक्षम माळ्यान. १:३-२१
३. आव ख्वाटा गुरुगोळ्द खलिाप चेतावनी कोळतान अदकि अनतान का आखरी दा ख्वाटा गुरुगोळ सांगुळ येन आदीत. २:१-२२
४. पतरस यीशु उन बरोर साटी तयार आगोर साटी वळ्लीद जीवन जीऊसोद साटी वशिवासीगोळी प्रोत्साहति माळतान. ३:१-१७

1 शमौन पतरस उन दी टु, जो यीशु मसीह अन्द दास अदकि प्रेरति आर,

आ लॉकुर हेसुर यार नामव परमेश्वर अदकि उद्धारकर्ता यीशु मसीह अन्द न्याय इन द्वारा नाम घाई कमिती वशिवास प्राप्त माळ्यार.

2 परमेश्वर उन अदकि नाम प्रभु यीशु उन पयचान इन द्वारा अनुग्रह अदकि शांती नीम दा बहुतायत देल वाळुस्त होगुल.

ईश्वरीय बुलाहट अदकि चुनाव

3 यतकी परमेश्वर उन ईश्वरीय सामर्थ्य सप्पा येनारा जो भक्तमिय जीवन हततद, नामी अदुर्दा पयचान इन द्वारा कोटान, याव नामी तान अच महमिा अदकि सदगुण इन अनुसार कारदान. 4 यऊर द्वारा आव नामी कमिती अदकि हापाळ अच धोळद वादा कोटुन: का इऊर द्वारा नीव आ भ्रष्टता देल बीळसकु, जो दुनिया दा बेकार अभलिाषागोळ देल आगतद, ईश्वरीय स्वभाव इन सहभागी आगोगी. 5 ईदा कारण सप्पा प्रकार इन कोशशि माळकु तान वशिवास दा भक्तभाव इक जोळसी; अदकि भक्तभाव दा ग्यान इक, 6 अदकि तान ग्यान दा आत्मसंयम इक जोळस, अदकि आत्मसंयम दा धीरज इक जोळसी, अदकि धीरज दा परमेश्वर उन भक्ति इक, 7 अदकि नीम्द परमेश्वर उन भक्ति दा मसीह भाईचारा अक; अदकि

मसीह भाईचारा दा प्यार इक जोळ्सी. 8 यतकी ईव पुरा गुणगोळ्द जरवत आद, अदकि अगर ईव मातगोळ नीम दा बहुतायत देल आव रा ईद नीमी नाम्द प्रभु यीशु मसीह अन ग्यान दा क्रियाशील अदकि प्रभावशाली माळ्याव. 9 लेकीन अगर नीम दा ईव मातगोळ ईलच, रा नीम इक दुर दृष्टी ईला नीव कुद्व आईर तथा मारतोगीर कि नीम्द पयला अन पाप तोळकु आगोग्याव.

10 ईदा कारण हे वारटुरा, तान कारूकु आगोद, अदकि नविळुम्द आगोद इक सदिध माळोर साटी वळ्लीद रीति देल कोशिशि माळतोगी, यतकी अगर हगि माळीर रा यागलु ठोकर तनितीदील; 11 बल्की ई रीति देल नीव नाम्द प्रभु अदकि उद्धारकर्ता यीशु मसीह अन्द अनन्त राज्य दा धोळ्द आदर इन सांगुळ प्रवेश माळ सकीर.

12 इदुरसाटी अगर नीव ईव मातगोळी जान्सतीर, अदकि जो सच्चाई इन वचन नीमी सकियाद अदुर दा बन्सकु ईरतीर, तरी ना नीमी ईव मातगोळ्द याद तोरसोर साटी हमेशा तयार ईराइन. 13 ना ईद तान साटी सही समसतीन कियोगासताका ना ईद मय दा जतिता आईन, आगासताका ना नीमी याद तोरसतेला ईराइन. 14 यतकी ना जान्सतीन कि ना तान नाशवन्त मय बळिवाळा आईन, ह्यांग कि नामव प्रभु यीशु मसीह नानी ईद हेळीदुन. 15 इदुरसाटी ना तान दी टु पुरा कोशिशि माळाईन किनान सोत्तुर बाद्दा भी नीव लॉकुर ईव सप्पा मातगोळ इक हमेशा याद माळ सकीर.

मसीह अन महमिा अन कण्णगोळ नोळ्द गवाह

16 यतकी याग नाव नीमी तान प्रभु यीशु मसीह अन सामर्थ्य इन अदकि आगमन इन समाचार कोटीदेव, रा अद चतुराई देल नटकु कात्तागोळ्द अनुकरण ईला ईरोद बल्की

नाव खुद अच आऊन महानता अक नोळीदेव. 17 यतकी याग आऊक परमेश्वर आप्प से आदर अदकि प्रशंसा सकित अदकि आ प्रतापमय महिमा दा टु ईद वाणी बत्त, “ईव नान प्रयि पार हुन, यार देल ना खुश आईन.” 18 याग नाव आऊन सांगुळ पवतिर पहाळी मा ईरेव अदकि आकाश टु ईद वाणी बर्त केळदेव.

19 नाम हात्ती जो भवषियवक्तागोळ वचन आद, अद ई घटना देल मजबूत ठहरूस्त. नीव ईद वळ्लीद माळतीर जो ईद समसकु आऊन मा ध्यान माळतीर कि आव ऊंद दगिया हुन, जो अंधार जागा दा आ समय ताका उजुळ कोळतेला ईरतद यागासताका कि व्हातुर आगाल अदकि व्हातुर इन तारा नीमद मन दा चमकुसाल्द. 20 सब से धोळ मात ईद आद कि नीमी ईद जानस कोम पायजे कि शास्त्र अन यातोदारा भी भवषियवाणी यातोदु भवषियवक्ता अन नीजी वचिरगोळ्द आधार मा कोळ्द स्पष्टीकरण आल्लच. 21 यतकी यातोदारा भी भवषियवाणी मळसा अन इच्छा देल यागलु आगीदील, लेकीन भक्त जन प्रभावति आगकु पवतिर आत्मा अन द्वारा परमेश्वर उन दी टु माताळतोगोर.

2

ख्वाटा गुरु

1 ह्यांग पूर्वकाल दा लॉकुरद न्याड्या दा ख्वाटा भवषियवक्ता प्रगट आगीदुर, अदा प्रकार नीमद न्याड्या दा भी ख्वाटा गुरु प्रगट आदार. आंदुर भटकुसावाळा सच्चाई सिद्धांतगोळ इक तंदार, अदकि आ स्वामी इन इनकार माळ्यार याव आंदरी कोंड कोंडान, अदकि हगि माळकु आंदुर तान जल्दी वनिश इक नर्मितरण कोट्टार. 2 तरी भी हापाळ पुरा लॉकुर आंदुरद अनैतिकि हादीगोळ मा नळदार; यतकी जो आंदुर

☆ 1:17 १:१७ मत्ती १७:१-५; मरकुस ९:२-७; लूका ९:२८-३५

माळतार, आंदुर वजह देल दुसरा मुंदुर अपमान सच्चाई अनूद बदला माळ्यार. 3 आंदुर लोभ दा बंदकु ख्वाटा मातगोळी माळ्यार अदकि नीम से अनुचति लाभ नेगदार. दण्ड इन आग्या रा आंदुर मा पयले टु अच आगेग्याद, अदकि आंदुरद वनिाश इन नरिणय आगेग्याद.

4 यतकी याग परमेश्वर आ स्वर्गदूतगोळ इक यार पाप माळदुर आंदरी बटीदलि, लेकीन नरक दा कळुकु अंधार दा हाकक बुट्टुर ताकी न्याय इन दनि ताका शंकलीगोळ दा दुख सहन माळुल; 5 अदकि स्याणा लॉकुर युग इन दुनया अक भी बटीदलि बल्की भक्तहीन दुनया मा महा जल प्रलय कळुदुन, लेकीन न्याय इन प्रचार माळावाळा नूह अदकि येळ मंळसागोळी ऊळस बुट्टुन; 6 अदकि सदोम अदकि गमोरा अन नगरगोळ इक दोषी ठहरूस्कु दण्ड कोट्टुन अदकि आंदरी बेक्की देल भसम माळदुन ताकी आंदुर बरावाळेर भक्तहीन लॉकुरद शक्ति अन साटी उदाहरण बनसुल, 7 अदकि न्यायी लूत इक जो अन्यायीगोळ्द अनैतिकि चाल चलन देल हापाळ दुखी ईरोन छुटकारा कोट्टुन. 8 यतकी आव न्यायी आंदुर बीच दा ईरतेला अदकि आंदुर अन्याय इन क्याल्सागोळ इक नोळ नोळकु अदकि केळ केळकु, हर दनि दुख देल तळपुस तोगोन. 9 रा प्रभु भक्तगोळ इक परीक्षा दा टु तेगोद अदकि अन्यायीगोळ इक न्याय इन दनि ताका दण्ड इन दशा दा ईटोद भी जानस्तान, 10 विशेष माळकु आंदरी जो कलंकीत अभलाषागोळ हदि मय इन अनुसार नळुतार अदकि प्रभु अक तुच्छ जानस्तार.

आंदुर ढीठ, अदकि जदिदी आर, अदकि धोळ पदवाळेर इक भला बुरा माताळली अंजालुर, 11 तरी भी स्वर्गदूतगोळ जो न्याय अदकि सामर्थ्य दा ख्वाटा गुरुगोळ देल धोड्डेर आर, प्रभु उन मुंद आंदरी बुरा भला अनकु दोष हचालुर. 12 लेकीन ई लॉकुर नरिबुद्धी पशुगोळ्द अच तुल्य आर, जो हुळकु आगोर

साटी अदकि नाश आगोर साटी पैदा आग्यार; अदकि या मातगोळ इक जानसालुर अच अदुर बारा दा दुसरा अक भला बुरा अनतार, आंदुर आळी दाकळोद पशुगोळ्द घाई नाश माळकु आदार. ¹³ दुसरा अन बुरा माळोद बदला आंदुर दा बुरा आदीत. आंदरी ईळ्लक हागुल भोग वलास माळोद भला हततद. हगि लॉकुर कलंकीत अदकि दोषी आर; याग आंदुर नीम सांगुळ तनितार अदकि कुडुतार, रा आंदुर ध्वाका धळी देल भोज माळकु भोग वलास माळतार. ¹⁴ आंदुर कण्णगोळ दा व्यभचारि कुर्तकु आद, अदकि आंदुर पाप माळदुर बनिा रूक्स सकालुर. आंदुर कमजोर लॉकुरी जाल दा फसुस कोमतार. आंदुर मन इक लोभ माळोद अभ्यास आगोग्याद; परमेश्वर उन शराप आंदुर मा आद. ¹⁵ आंदुर सीदा हादी अक बटिकु भटकुसेग्यार, अदकि बओर उन पार बलाम उन हादी मा आगोग्यार, याव अन्याय इन मजदूरी इक प्रयि जान्सदुर; ¹⁶ अदकि आऊक आऊन पाप इन बारा दा फटकार सक्ति, ईल ताका क्ति अबोल गधा मंळसा अन बोली देल आ भवषियवक्ता अक आऊन बावलापन देल रोक्सत.

¹⁷ ई लॉकुर वंळगीद भायगोळ, अदकि आंधी इन हारसूद बादल उर; परमेश्वर आंदुर साटी अनन्त खोल अंधकार ठहरूस्यान. ¹⁸ आंदुर बेकार घमण्ड इन मातगोळी माळ माळकु अनैतिकि क्यालसागोळ द्वारा, आ लॉकुरी शारीरिकि अभलिषागोळ दा फसुस बुळतार जो भटकुसकु दा टु होळोद सुरूवात ईगल्या अच माळेत्यार. ¹⁹ आंदुर आंदरी स्वतंत्र माळोद प्रतगिया रा माळतार, लेकीन खुद अच भ्रष्टता अन दास आर; यतकी जो मंळसा यार देल हारूसेग्यान, आव आऊन दास बनसेगतान. ²⁰ याग आंदुर प्रभु अदकि उद्धारकर्ता यीशु मसीह अन पयचान इन द्वारा दुनया अन नाना प्रकार इन कलंक देल उळ्दकु होट्टुर, अदकि मात्त आंदुर दा फसुसकु हारूसेदूर, रा आंदुरद पछिला दशा पयले टु भी बेकार आगोग्याद. ²¹ यतकी न्याय इन

हादी इन ईला जानसोद अच आऊन साटी इदुर से भला आगाईत कऱि अदरी जानसकु, आ पवत्रि आग्या देल बदलुसेगायदुर जो आंदरी कोटकु आगीत. ²² आंदुर मा ईद कहावत सही कुरतद, कऱि नाय तान माळ्स इन दी अदकि मय कय तोळ्द हंदी केसुर दा गळबळ्या होडोर साटी मात्त ओळ्गेतद.

3

प्रभु उन मात्त बरोद वाचा

¹ हे प्रयि संगीगोळा, ईग ना नीमी ईद दुसरा चटिठी लखिसतीन, अदकि येदुदा दा याद कोळसुस्कु नीमद शुद्ध मन इक जागृत माळोद वचारि माळतीन, ² कऱि नीव आ मातगोळ इक जो पवत्रि भवषियवक्ता पयले टु अंदार, अदकि प्रभु अदकि उद्धारकर्ता अन आ आग्या अक याद माळी जो नीमद प्रेरतिगोळ उन द्वारा कोटकु आगीत. ³ *सब से पयले ईद जानस कोमी कऱि आखरी दनिगोळ दा नीमद मज्याक हारसावाळेर बंदार जो तान अच अभलिषागोळ्द अनुसार नळदार ⁴ अदकि केळ्यार, “आव बरोद प्रतगिया माळीदुन, येन आव माळीदलि? आव येल आन? नाम पुर्वज रा पयला टु अच सोतोग्यार लेकीन यागी टु दुनया बनस्याद सप्पा मातगोळ हांग अच नळुतेला बरेत्याव.” ⁵ आंदुर रा जान बुझुस्कु ईद मारतोदुर कऱि परमेश्वर उन कोळ्द आग्या देल आकाश अदकि पृथ्वी माळकु आग्याद अदकि पृथ्वी नीर दा टु बनसत अदकि नीर दा संची आद, ⁶ इदुरदा कारण आ दुनया अन दुनया नीर दा मुळककु नाश आगेत. ⁷ लेकीन ईद आकाश अदकि पृथ्वी ईद अस्ततिव दा आद, आऊंदा आदेश इन द्वारा बेक्की देल नाश आगोर साटी सुरक्षति आद; इंदरी आ दनि इन साटी ईटकु आगेत्याद याग अन्यायी लॉकुरद न्याय आदीन अदकि आंदुर नाश माळकु आदार.

8 हे प्रयि संगीगोळा, ईद ऊंद मात इक मारूबाळी क्कि प्रभु उन नजर दा ऊंद दनि अदकि ऊंद हजार साल दा येनु फरक हैलेच; आऊन साटी ईव येदुदु बराबर आव. 9 प्रभु तान प्रतगिया अन बारा दा समय माळालुन, ह्यांग समय थ्वाळासा लॉकुर सम्सतार; लेकीन नीम्द बारा दा संयम हुडुतान, अदकि चाहासालुन क्कियावारा नाश आगुल, बल्की ईद क्किसप्पा मुंदरी मन फरिव इन मवका सकुल.

10 *लेकीन प्रभु उन दनि काळल उन घाई होट बंदीत, आ दशी आकाश हापाळ गर्जना अन सांगुळ अदृश्य आगेदीत, अदकि आकाश इन पुरा चजिगोळ होतकु नाश आगेदव अदकि पृथ्वी अदकि अदुर दाकळव सप्पा मातगोळ गायब आगेदव. 11 जब क्कि ईव सप्पा वस्तुगोळ ई रीतदिेल नाश आगावाळा आव, रा नीमी याता प्रकार इन लॉकुर आग पायजे? नीम्द जीवन पवतिर अदकि परमेश्वर उन दी समरपति आगली पायजे, 12 अदकि परमेश्वर उन आ दशी इन हादी याता रीतदिेल काय पायजे अदकि आऊन जल्दी बरोद साटी ह्यांग कोशशि माळ पायजे, यदुर कारण आकाश बेक्की देल नाश माळकु आदीत, अदकि आकाश इन पुरा वस्तुगोळ गरमी देल पघिलुसेव. 13 *लेकीन आऊन वादा अन अनुसार नाव ऊंद व्हाशोद आकाश अदकि व्हाशोद पृथ्वी इन आस नोळतेव यदुर दा न्याय वास माळीत.

14 इदुरसाटी, हे प्रयि संगीगोळा, ह्यांग नीव आ दनि इन हादी कायेतीर, रा तान दी टु पुरा कोशशि माळी क्कनीव शांती देल परमेश्वर उन नजर दा आलोचना रहति अदकि नषिकलंक ठहरूसी, 15 नाम्द प्रभु उन धीरज इक जो आव नामी कोटान उदधार इन संधी सम्सी, ह्यांग नाम प्रयि संगी पौलुस भी आ ग्यान देल जो परमेश्वर वार्ट उक कोटीदुन अदुरद इस्तेमाल

☆ 3:10 ३:१० मत्ती २४:४३; लूका १२:३९; १ थसिसलुनीर्का ५:२; प्रकाशतिवाक्य १६:१५ ☆ 3:13 ३:१३ प्रकाशतिवाक्य २१:१

माळकु लखिसदुन. ¹⁶हांग अच आव तान सप्पा चट्ठी गोळ दा भी ईव मातगोळ इक लखिसदुन, यारदा येनारा मातगोळ हगि आव यवरी समसोद कठनि आद, अदकि अनपढ अदकि चंचल लाँकुर अदुर अर्थगोळी इक भी शास्त्र अन अन्य मातगोळ घाई जेडुकु तांद अच नाश इन कारण माळतार.

¹⁷ इदुरसाटी हे प्रयि संगीगोळा, नीव लाँकुर पयला टु उच ईव मातगोळी जान्सकु सावधान ईरी, ताकी न्यायवरूद्ध लाँकुरद गलतीगोळ्द द्वारा तान स्थरिता अक येल्यारा कय देल काळुकोमी. ¹⁸लेकीन नामव प्रभु अदकि उद्धारकर्ता यीशु मसीह अन अनुग्रह अदकि ग्यान दा वाळुसतेला होगी. आऊन दा प्रशंसा सही मायना दा आगुल, अदकि हमेशा आगतेला ईरूल. आमीन.

परमेश्वर उन खरा वचन
The Holy Bible in the Holiya language of India: परमेश्वर
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6